

Հավելված N 4
ՀՀ պետական եկամուտների կոմիտեի նախագահի
«05» հունիսի 2023թ. N 560-Լ հրամանի
05100010/28072023/00001966

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
/վարչական տույժ նշանակելու մասին/

«28» հուլիսի 2023թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Չեխ-Արմ-Ինվեստ» ՍՊ ընկերության /ՀՎՀՀ՝ 02270857, հասցեն՝ ՀՀ, ք. Երևան, Էրեբունի, Արշակունյաց պող. 127/21/ տնօրեն Անուշավան Սերյոժայի Սարգսյանի (անձնագիր՝ BA1133544, հասցե՝ ՀՀ, ք. Երևան, Մալաթիա-սեբաստիա, Սվաճյան փող., 22 զ., բն. 2) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Չեխ-Արմ-Ինվեստ» ՍՊ ընկերության կողմից թիվ 05100010/270522/0039266 ապրանքների հայտարարագրով «Մաքսային տարածքում վերամշակում» մաքսային ընթացակարգով հայտարարագրվել է բեռ: Ընթացակարգով ժամկետը սահմանվել է մինչև 12.05.2023 թվականը, սակայն սահմանված ժամկետում նշված բեռի մնացորդ մասը չի արտահանվել կամ ձևակերպվել այլ մաքսային ընթացակարգով, որի արդյունքում խախտվել է հետադարձ արտահանման պարտավորությունը:

Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի գլխավոր մաքսային տեսուչի կողմից 01.06.2023 թվականին «Չեխ-Արմ-Ինվեստ» ՍՊ ընկերության տնօրեն Անուշավան Սերյոժայի Սարգսյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային կարգավորման մասին օրենքի 310-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 28.07.2023 թվականին ժամը 11:30-ին, ինչի անցկացման վայրի և ժամանակի մասին «Չեխ-Արմ-Ինվեստ» ՍՊ ընկերության տնօրեն Անուշավան Սերյոժայի Սարգսյանը պատշաճ ծանուցվել է, սակայն չի ներկայացել: Գործի քննությունն իրականացվել է վերջինիս բացակայությամբ:

Համաձայն ՀՀ ՊԵԿ Երևանի մաքսային սպասարկման կենտրոն-մաքսատուն, վարչության կողմից տրամադրված 17.07.2023թ. թիվ Ն/20-1/135254-2023 զեկուցագրի և թիվ 10/641-Ն թույլտվության՝ «Չեխ-Արմ-Ինվեստ» ՍՊ ընկերության անվամբ թիվ 05100010/270522/0039266 ապրանքների հայտարարագրի մնացորդ մասը վերամշակման արդյունքում գոյացած թափոններ են:

ԵԱՏՄ մաքսային օրենսգրքի 163-րդ հոդվածի 1-ին մասի համաձայն՝ «Մաքսային տարածքում վերամշակում» մաքսային ընթացակարգն օտարերկրյա ապրանքների

առնչությամբ կիրառելի մաքսային ընթացակարգ է, որին համապատասխան՝ Միության մաքսային տարածքում այդպիսի ապրանքների հետ կատարվում են վերամշակման գործողություններ՝ դրանց վերամշակման արդյունքներ ստանալու նպատակով, որոնք նախատեսված են Միության մաքսային տարածքից հետագա արտահանման համար՝ առանց այդպիսի օտարերկրյա ապրանքների առնչությամբ ներմուծման մաքսատուրքերի, հարկերի, հատուկ, հակազնագցման, փոխհատուցման տուրքերի վճարման՝ պահպանելով այդ մաքսային ընթացակարգով ապրանքների ձևակերպման և դրանց օգտագործման պայմանները՝ այդ մաքսային ընթացակարգին համապատասխան:

Նույն օրենսգրքի 164-րդ հոդվածի 2-րդ մասի 1-ին կետի համաձայն՝ «Մաքսային տարածքում վերամշակում» մաքսային ընթացակարգին համապատասխան ապրանքների օգտագործման պայմաններից է «մաքսային տարածքում վերամշակում» մաքսային ընթացակարգի գործողության սահմանված ժամկետը պահպանելը:

ԵԱՏՄ մաքսային օրենսգրքի 170-րդ հոդվածի 1-ին մասի համաձայն՝ միության մաքսային տարածքում վերամշակման գործողությունների արդյունքում գոյացած թափոնները ենթակա են սույն Օրենսգրքով նախատեսված մաքսային ընթացակարգերով ձևակերպման ... :

ՀՀ մաքսային կարգավորման մասին օրենքի 301-րդ հոդվածի 1-ին մասի համաձայն՝ Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային կարգավորման մասին օրենքի 310-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները կամ տրանսպորտային միջոցները սահմանված ժամկետում չարտահանելը՝ առաջացնում է տուգանք՝ խախտման օրվա դրությամբ այդ ապրանքների կամ տրանսպորտային միջոցների համար «Բացթողում՝ ներքին սպառման համար» մաքսային ընթացակարգով նախատեսված մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի) մեծության **քսան տոկոսի չափով, բայց ոչ պակաս, քան հիսուն հազար** դրամի չափով:

«Չեխ-Արմ-Ինվեստ» ՍՊ ընկերության անվամբ թիվ 05100010/270522/0039266 ապրանքների հայտարարագրով հայտարարագրված բեռի մնացորդ քանակությունները (14-րդ և 25-րդ ապրանքային դիրքեր) «Ներքին սպառման համար բացթողում» մաքսային ընթացակարգով հայտարարագրելու դեպքում կառաջանա մաքսային վճարներ ընդհանուր 1,832 ՀՀ դրամ չափով (հիմք՝ զեկուցագիր թիվ Ն/20-1/135271-2023 առ 17.07.2023թ.):

Այսպիսով, վարույթի նյութերով հիմնավորվում է, որ «Չեխ-Արմ-Ինվեստ» ՍՊ ընկերության տնօրեն Անուշավան Սերյոժայի Սարգսյանը թիվ 05100010/270522/0039266 ապրանքների հայտարարագրով «Մաքսային տարածքում վերամշակում» մաքսային ընթացակարգով հայտարարագրված ապրանքների վերամշակման արդյունքում գոյացած

արտադրական թափոնները սահմանված ժամկետում, այն է 12.05.2023 թվականին, չի ձևակերպել, ինչի արդյունքում թույլ է տվել ՀՀ մաքսային կարգավորման մասին օրենքի 310-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային կարգավորման մասին օրենքի 304-րդ հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային կարգավորման մասին օրենքի 310-րդ հոդվածով մաքսային կանոնների խախտում կատարելու համար «Չեխ-Արմ-Ինվեստ» ՍՊ ընկերության տնօրեն Անուշավան Սերյոժայի Սարգսյանին ենթարկել վարչական պատասխանատվության՝ տուգանելով **50.000** ՀՀ դրամի չափով:

2. Որոշման մասին հայտնել «Չեխ-Արմ-Ինվեստ» ՍՊ ընկերության տնօրեն Անուշավան Սերյոժայի Սարգսյանին՝ պարզաբանելով, որ ՀՀ մաքսային կարգավորման մասին օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային ծառայության մասին օրենքի 37-րդ հոդվածի՝ որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո երկամսյա ժամկետում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

**ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**

ԱՂԱՍԻ ԱՂԱՅԱՆ

Որոշման օրինակը _____ հավելվածներով _____ էջերի վրա ստացա.

ստորագրություն

(իրավախախտում կատարած անձի անունը, ազգանունը, հայրանունը կամ փյույ լինելու անունը, անունը, ազգանունը, հայրանունը և լիազորությունը հաստատող փաստաթղթի տվյալները)

« _____ » _____ 2023 թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի № 900005024055 հաշվեհամարին 27 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: